

PUOGAE YA MOPHATO 1

# Ben o iponela tsala e ntšhwa



SETSWANA

Maemo:

2

Buka

3



# Puiso e e kaelwang ya ditlhophha

## Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

## Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

## Motlotlo

- Botsa dipotsa tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

## Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

# Ben o iponela tsala e ntšhwa



Pamela, Lebo le Ben, ntšwa, ba  
phutholola dinao tsa bona.

Gompieno Ben o a tshwenya.  
O a tshaba.

Pamela le Lebo ba a mo tebela.  
"Boa koo Ben!" go bitsa Lebo.




Ben o tabogela kwa leboteng  
kwa phakeng. Ben o nkgankgelela  
lebota.

Ke eng se a se nkgankgelelang  
kwa leboteng?

A ke kgwele ya mmala o  
mohibidu le botala jwa legodimo?

Hou! Hou! Hou!



Pamela a botsa, "O bone  
eng, Ben?"

A ke lerapo le legolo?  
A e ka nna khounu?

Hou! Hou! Hou!





Pamela le Lebo ba sala Ben  
morago go tsena mo phakeng.

Kwaak! Kwaak! Kwaak!

Ooo! Ke pidipidinyana e e  
serolwana. Pidipidi e nnye  
e latlhiegile. Basetsana ba  
tsamaya ka iketlo go ya kwa  
pidiping e nnye e e  
serolwana.







"A o latlhegile pidipidi e nnye e  
e serolwana? A re go ise kwa  
letamonyaneng?" ga botsa  
Pamela.

Ben o simolola go bogola. Hou!  
Hou! Hou!

"Nnyaya Ben! O se ka wa bogola  
pidipidi e nnye e e serolwana," ga  
bua Lebo.


"Pidipidi e nnye e e serolwana  
e a boifa."



Pamela le Lebo ba isa pidipidi  
e nnye kwa letamonyaneng.

"Mmaago le rraago ke ba.  
Bona boausiaago le boabutiaago  
ba thuma mo letamonyaneng,"  
ga bua Pamela.

Kwaak! Kwaak! Kwaak!



"Ke eletsa o ka re re ka isa pidipidinyana kwa gae," ga bua Pamela.

Pidipidi e nnye e e serolwana e thumela kwa kgakala.

"Ke akanya gore pidipidinyana e batla go nna le balelapa la yona," ga bua Lebo.


Kwaak! Kwaak! Kwaak!




Ben o bona pidipidi e nnye e  
thuma mo letamonyaneng. Ben le  
ena a tlolela mo letamonyaneng.

Phašaa! Phašaa! Phašaa!

"Nnyaya Ben! O ntšwa e e  
tshwenyang. Tswaya!" ga  
bua Pamela.





Ben o tswa mo letamonyaneng.  
O a ithikhitha go ikomisa.  
"Nnyaya tlhe, Ben! Jaanong ke  
kolobile! A re yeng kwa gae," ga  
bua Lebo.

Ben a tsamaisa tsala ya gagwe  
e ntšhwa sentle.

Hou! Hou! Hou!

Tlhokomela diotlwana  
tsa gago!







# Opelang!

## A o bone dipidipidi tse dinnye gaufinyana?



A o bone dipidipidi tse dinnye.

Di thuma mo metsing?



Mme, Rre, dipidipidinyana.  
Nkokoagwe le morwadie.



A o di bone di tsenya megatla ya tsona  
di thuma mo metsing



Mme, Rre, dipidipidinyana  
Nkokoagwe le morwadie



A o di bone di phaphatha diphuka tsa  
tsona di thuma mo metsing?



Mme, Rre, dipidipidinyana  
Nkokoagwe le morwadie



## Ka ga dipidipidi

Dipidipidi ke masika a maganse.

Dipidipidi di na le maoto a o ka reng a tshwaragantshitswe ka bobi.

Maoto a a di thusa go thuma.

Di na le melomonyana,

Di na le mafafa a a thibelang metsi.

Dipidipidi tsa basadi di bidiwa dithole mme dipidipidi tsa banna di bidiwa mekoko.

Dipidipidi tse dinnye di bidiwa ditsuane kgotsa dipidipidinyana.






# Ditirwana tsa puiso ya ditlhophha



1

Lebelela ditshwantsho. Tlotlela tsala ya gago gore go diragala eng mo setshwantshong sengwe le sengwe. Tlotlela tsala ya gago gore ke setshwantsho sefe se se tshwanetseng go nna sa ntsha, sa bobedi, sa boraro le sa bofelo. Tlotlela tsala ya gago kgang gape o dirisa ditshwantsho.



2

Diragatsang kgang e.

3

Araba dipotso tse di latelang ka molomo.

- Naya leina kana setlhogo sa kgang?
- Baanelwabagolo ba kgang e ke bomang?
- Pamela le Lebo ba fitlhets'e batsadi ba pidipidi e nnye e e serolwana kwa kae?






- d. A o akanya gore Ben le pidipidi e nnye e e serolwana ba tlaa tswelela go nna ditsala? Tshegetsa karabo ya gago ka lebaka.
- e. Naya mebala e e kaiwang mo kgannyeng e.



4

Bolelela tsala ya gago gore ke setshwantsho sefe se se tsamaelanang le lefoko. Buisa dipolelo tse di nyalanang le ditshwantsho le mafoko.



lerapo	A ke lerapo le legolo?
Ben	Ke kgwele e khibidu e botala jwa legodimo.
kgwele	A o kgona go bona pidipidi e nnye e e serolwana?
founu	Ben ke ntswa ya ga Pamela le Lebo.
pidipidi	A e ka nna founu?



5

Buisetsa tsala ya gago dipolelo. Dirisa mafoko le ditshwantsho go go thusa go tlatsa dipolelo. Jaanong kwalololela dipolelo mo bukeng ya gago ya dithutiso.

Ben	letamonyaneng	pidipidinyana	nonyane
-----	---------------	---------------	---------


sekao:



Nonyane e opela mo  
setlhareng.



Pamela le \_\_\_\_\_ ba  
phutholola maoto a bona.



Ben o bona \_\_\_\_\_ e nnye e e  
serolwana.



Pamela le Lebo ba isa pidipidinyana  
kwa \_\_\_\_\_.



6

Kopololela polelo e le nngwe go tswa mo  
kgannyeng mo bukeng ya dithutiso ya gago.  
Thala setshwantsho se se tlaa nyalanang le  
polelo ya gago.

# PUOGAE YA MOPHATO 1



Buka 3

Leina kana setlhogo:	Ben o iponela tsala e ntšhwa
Puo:	Setswana
Maemo:	Padiso ya Mophato 1 Maemo 2 Buka 3
Mofuta wa sekwalwa:	Kanelo
Mafoko a tlwaelo:	tshwenya, kwaak, letamonyana, tshikinyega, bone, pidipidinyana, thuma, nkgelela, mogala
Tlotlofoko:	tshwenya, kwaak, letamonyana, tshikintse, bone, pidipidinyana, thuma, nkgelela, founa
Medumopuo:	ai, ts, tsh, p, ph, oo, ee, tl, tlh, ai, eo
Diteng, marel le bokgoni:	<ul style="list-style-type: none"><li>• Tlhomaganya ditshwantsho.</li><li>• Tlotla kgang gape.</li><li>• Araba dipotso tse di bonolo.</li><li>• Nyalanya setlhogo, dipolelo le ditshwantsho.</li><li>• Feleletsa dipolelo.</li><li>• Kopolola dipolelo go tswa mo kgannyeng.</li><li>• Sedimosa polelo.</li></ul>

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2649-9



**ISBN 978-1-4315-2649-9**  
**THIS BOOK MAY NOT  
BE SOLD.**



**basic education**


Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di  
mo Šelofong ya Puogae ya  
Mophato 1:



Segwagwa se ya kwa sekolong

Ke kgona go buisa

Re ya kwa sekolong rotlhe

Letsatsi la metshameko la  
diphologolo



Re rata kgwele ya dinao

Diaparo

Ben o iponela tsala e ntšhwa

Llori ya Matipatipane



Sethole se sennye se sehividu

Amo o ya kwa ngakeng

Toro ya ga Dudu